

50 years  
Merdeka



# Kanak-Kanak sebagai Agen Transformasi



40-Hari Puasa & Doa

22 Julai - 30 Ogos 2007



## Pengenalan

# Kanak-kanak sebagai Agen Transformasi



Lebih daripada 2000 tahun dahulu, seorang budak lelaki memberi kepada Isa Al-Masih 5 buku roti dan 2 ekor ikan untuk dijadikan makanan bagi 5000 orang (Yohanes 6:10). Tuhan menggunakan seorang kanak-kanak untuk menyampaikan berita baik-Nya kepada sebegitu ramai orang! Bukankah itu hebat?


Tuhan gunakan kita, baik yang dewasa maupun kanak-kanak, demi tujuan-Nya dan untuk menunjukkan kasih-Nya kepada manusia. Kanak-kanak sememangnya agen transformasi-Nya!

Tahun ini, Malaysia merayakan 50 tahun kemerdekaannya. Tuhan telah menganugerahi negara kita dengan keamanan dan kemakmuran.

Tuhan telah menempatkan anda dalam negara yang cantik lagi unik ini jadi anda harus melalui sejarahnya dan menemukan peranan anda dalam perencanaan Tuhan untuk Malaysia.

# MINGGU 1

## JULAI 22-28



# KASIH

“Kasih itu sabar; kasih itu murah hati; ia tidak cemburu. ia tidak memegahkan diri dan tidak sompong; ia tidak melakukan yang tidak sopan dan tidak mencari keuntungan diri sendiri; ia tidak pemarah dan tidak menyimpan kesalahan orang lain; ia tidak bersukacita kerana ketidakadilan, tetapi kerana kebenaran. Kasih menutupi segala sesuatu, percaya segala sesuatu, mengharapkan segala sesuatu, sabar menanggung segala sesuatu.... Demikianlah tinggal ketiga hal ini iaitu: Iman, pengharapan dan kasih, dan yang paling besar antaranya ialah kasih.”

1 Korintus 13:4-7, 13

22 Julai

# KASIHILAH YANG MAHA BERKUASA, TUHANMU

Isa Al-Masih berfirman: "Kasihilah Yang Maha Kuasa, Tuhanmu, dengan segenap hatimu dan dengan segenap jiwamu dan dengan segenap akal budimu dan dengan segenap kekuatanmu. Dan hukum yang kedua ialah: 'Kasihilah sesamamu manusia seperti dirimu sendiri.' Tidak ada hukum lain yang lebih utama daripada kedua hukum ini." Markus 12:30-31



Inilah hukum terhebat yang Tuhan berikan. Cara terbaik menunjukkan kasih kita kepada Tuhan ialah dengan mengasihi orang di sekeliling kita.

## Berdoalah



Bersyukur dan terima kasih kepada Tuhan kerana adanya ibu bapa, abang, kakak dan adik, saudara mara, rakan dan jiran.

## Bertindaklah

● Beritahu Tuhan yang hari ini anda akan mengasihi-Nya dengan segenap hatimu dan segenap akal budimu.

23 Julai

# KASIHI DIRIMU SENDIRI

Tuhan berfirman kepadaku, "Sebelum Aku membentuk engkau dalam rahim ibumu, Aku telah mengenalmu dan sebelum engkau lahir, Aku sudah menguduskan engkau menjadi nabi bagi bangsa-bangsa." Yeremia 1:4

Sebelum anda dilahirkan, Tuhan telah mengenalmu. Anda unik dan mempunyai masa depan yang hebat. Kejadianmu bukannya kebetulan (tetapi direncanakan). Tuhan mencipta anda dan memilih anda untuk dilahirkan pada tempoh masa sebegini. Anda diseru agar menjadi anugerah kepada mereka di sekeliling anda.



## Berdoalah



**Agar Tuhan menolongmu untuk memahami dirimu sendiri dan mengubah tabiat yang tidak disenangi-Nya.**



**Semoga anda berpeluang untuk memberkati orang lain dengan kebaikan.**


## Bertindaklah



**Hafal Yeremia 1:4 dan berkongsi kebenarannya dengan seorang kawan.**

24 Julai

# KASIHI IBU BAPAA ANDA



“Hormatilah ayahmu dan ibumu” – ini adalah satu perintah yang penting, seperti yang nyata daripada janji ini – supaya kamu berbahagia dan panjang umurmu di bumi.” Efesus 6:2-3

Tuhan mempertanggungjawabkan ibu bapa atas anak mereka. Para anak mesti menghormati ibu bapa mereka biar bagaimana sekalipun cara ibu bapa melayan mereka.

## Berdoalah



Minta keampunan daripada Tuhan dan ibu bapa anda jika anda telah mengingkari mereka.



Minta Roh Kudus untuk membebaskan anda daripada semangat memberontak.



Semoga Tuhan memberkati ibu bapa anda setiap hari, memenuhi mereka dengan kasih-Nya, dan memberi mereka kekuatan untuk menyara keluarga.

## Bertindaklah


- Sentiasa ingat untuk berterima kasih kepada ibu bapa anda.

25 Julai

# KASIH PARA JIRAN ANDA

“Usahakanlah kesejahteraan kota ke mana kamu Aku buang. Berdoalah untuk kota itu kepada TUHAN, sebab kesejahteraannya adalah kesejahteraanmu.” Yeremia 29:7

Malaysia sebuah negara pelbagai kaum dengan pelbagai kumpulan etnik. Antara lain, ada Orang Asli, Melayu, Cina, India, Serani serta kaum peribumi Sabah dan Sarawak. Kita mesti menghargai dan menghormati budaya kita yang pelbagai ini.



## Berdoalah



Semoga sentiasa ada keamanan dan kemakmuran dalam negara kita.



Semoga dalam kalangan kita sentiasa ada belas kasihan dan saling menghormati antara satu sama lain.

## Bertindaklah




Sapalah para jiran anda.

26 Julai

# KASIHI NEGARA ANDA

“Kamu adalah garam dunia. Jika garam itu menjadi tawar, dengan apakah ia dimasinkan. Tidak ada lagi gunanya selain dibuang dan dipijak-pijak orang. Kamu adalah terang dunia. Kota yang terletak di atas gunung tidak akan tersebunyi.” Matius 5:13,14



Sebagai orang Kristian, kita mampu mengubah keadaan dalam negara kita. Tuhan mendengar dan memakbulkan doa kita bila kita menentang kejahatan, sifat tamak, rasuah, dan ketidakadilan.

## Berdoalah



Semoga semua warga Malaysia membuat apa yang betul dan saksama.



Berdoa menentang semangat rasuah dan tamak haloba.

## Bertindaklah




Sebelum anda berbuat apa-apa pun, tanyakan soalan ini, “Apa yang akan Isa Al-Masih buat dalam keadaan begini?”

27 Julai

# KASIHI MEREKA YANG MISKIN, LEMAH DAN YANG MEMERLUKAN

“Belalah anak yatim dan orang lemah, berilah keadilan kepada orang miskin dan yang sengsara. Bebaskanlah orang yang lemah dan tak berdaya daripada tangan orang jahat.” Mazmur 82:3-4

Ehsan dan kasih sayang Tuhan sangat istimewa terhadap orang yang lemah, miskin dan tidak berdaya.



## Berdoalah



Semoga mereka yang mendera orang miskin dan tidak berdaya akan dihukum.



Semoga orang kaya membantu orang miskin dalam hal pendidikan dan peluang-peluang pekerjaan.



Semoga Tuhan memberkati rumah kanak-kanak.



Semoga ada belas kasihan terhadap orang yang lemah.

## Bertindaklah



Berkawan dengan seorang yang kurang upaya.

28 Julai

# KASIH ALAM SEKITAR

“Kemudian diberkati-Nya mereka dengan ucapan “Beranak cuculah yang banyak, supaya keturunanmu mendiami seluruh muka bumi serta menguasainya: kamu Ku tugaskan mengurus ikan-ikan, burung-burung, dan semua binatang lain yang liar.” Kejadian 1:28

Tuhan mencipta dunia ini untuk kita menjaganya. Sedih sekali sebab kita telah menyalahgunakan sumber asli kita dan mencemarkan tanah, udara dan sungai kita hingga menyebabkan kerosakan kepada alam sekitar.

Pemanasan global menjadi isu yang besar. Dikatakan bahawa beruang kutub mungkin tersenarai sebagai spesies yang dalam bahaya kepupusan sebab perubahan iklim mengancam kehidupan haiwan itu.

## Berdoalah



**Semoga kita menjadi penjaga yang baik bagi alam sekitar semula jadi kita serta menjaga hasil ciptaan Tuhan.**



**Warga Malaysia akan menjadi komited terhadap usaha menjaga kebersihan di rumah dan di tempat-tempat awam.**

**Dan untuk menyertai projek kitar semula.**




**Semoga orang dewasa tidak membuat sampah sarap merata-rata.**

## Bertindaklah

- Mulakan satu projek kitar semula dengan keluarga atau kawan.**

**Minggu 2**  
**Julai 29-Ogos 4**



## **Sejarah**

“Alangkah senangnya melihat kedatangan utusan; ia berjalan melintasi pergunungan dan membawa khabar baik, khabar sejahtera, berita keselamatan bagi Sion; katanya, ‘TUHANmu Raja!’ ” **Yesaya 52:7**

**29 Julai**

**K**esultanan Melaka diasaskan oleh Parameswara yang memeluk agama Islam pada tahun 1414. Melaka menjadi pusat perdagangan yang penting di rantau ini dengan para pedagang yang datang sejauh dari Arab, India dan China. Akhirnya, orang Portugis tertarik dengannya lalu mereka menyerang Melaka pada tahun 1511. Mahmud Shah ialah Sultan Melaka yang terakhir. Orang Portugis turut membawa agama Kristian, yakni mazhab Katolik Roma.

Ada sesetengah yang mengatakan yang para pedagang Parsi dan Turki adalah kumpulan orang Kristian pertama yang berkunjung ke rantau ini pada abad ke-7.

## Berdoalah



Kita bersyukur kepada Tuhan bagi mereka yang membawa agama Kristian ke Malaysia.

**12**

## Bertindaklah



Cari maklumat mengenai gereja yang pertama di Melaka.

**30 Julai**

**P**ada tahun 1641, orang Belanda datang dan berlawan untuk menguasai Melaka.

Dalam Perjanjian Inggeris-Belanda pada tahun 1824, Belanda menyerahkan Melaka dan Semenanjung Tanah Melayu kepada Britain.

Dengan menggunakan kesempatan daripada pertikaian dalam kalangan raja-raja Melayu, Inggeris masuk campur dalam pentadbiran negeri-negeri Melayu. Bagi tujuan ekonomi, mereka membina jalan raya, landasan kereta api dan membawa masuk pehijrah dari India dan China untuk bekerja di lombong bijih, estet serta jabatan kerajaan. Hospital, sekolah dan gereja turut dibina demi memenuhi keperluan masyarakat setempat.

## Berdoalah



**Bersyukur kita kepada Tuhan bagi mereka yang meletakkan batu asas bagi Malaysia moden.**

## Bertindaklah



**Dapatkan nama sekolah yang pertama di Malaysia dan kongsi maklumat itu dengan seorang rakan.**

# 31 Julai

**S**ewaktu Perang Dunia Kedua, Jepun menyerang dan menduduki Malaya dan Inggeris terpaksa meninggalkan negara ini. Tamatnya Peperangan itu mencetuskan kesedaran politik yang baru yang membawa kepada pembentukan parti-parti politik seperti UMNO, MCA dan MIC. Satu perikatan terbentuk pada tahun 1954 yang bertujuan untuk mendapatkan kemerdekaan.

Dalam persetujuan yang dinamakan Kontrak Sosial, MCA mengakui bahawa hak istimewa orang Melayu harus dilindungi, dan sebagai balasan UMNO mengakui yang orang Cina dan orang bukan Melayu yang lain diberikan hak kewarganegaraan dengan lebih mudah berasaskan prinsip jus soli (melalui kelahiran). Orang Cina juga dibenarkan untuk terus memainkan peranan dominan dalam bidang ekonomi.

Duli Yang Maha Mulia Seri Paduka Baginda Yang di-Pertuan Agong diberi tanggungjawab untuk melindungi "kedudukan istimewa orang Melayu" dan "kepentingan sah kaum-kaum lain".

## Berdoalah



Semoga Kontrak Sosial yang dibuat oleh para pengasas UMNO, MCA dan MIC pada detik kelahiran Malaysia akan dihormati oleh semua generasi.

## Bertindaklah



Jadilah warganegara yang baik dan hormati dan daulatkan undang-undang.

# 1 Ogos

**P**ada 31 Ogos, 1957, Tunku Abdul Rahman mengisyiharkan kemerdekaan Malaya.

Tunku menjadi Perdana Menteri yang pertama dan diberikan gelaran “Bapa Kemerdekaan”.

Duli Yang Maha Mulia Seri Paduka Baginda Yang di-Pertuan Agong yang pertama ialah Al-Marhum Tuanku Abdul Rahman Ibni Al-Marhum Tuanku Muhammad daripada Negeri Sembilan.

Duli Yang Maha Mulia Seri Paduka Baginda Yang di-Pertuan Agong yang ke-13, Tuanku Mizan Zainal Abidin, telah ditabalkan pada bulan April tahun ini. Baginda menyeru agar semua warga Malaysia mengekalkan perpaduan dan keamanan.

## Berdoalah



**Semoga Raja kita serta kerajaan berdiri teguh atas nama kebenaran, keikhlasan dan kesaksamaan.**

## Bertindaklah

- Bacalah tentang Tunku Abdul Rahman, Tun Tan Cheng Lok dan Tun Sambanthan.

## 2 OGOS

**P**ada tahun 1963, Persekutuan Tanah Melayu dinamakan semula sebagai Malaysia dengan kemasukan bekas tanah jajahan British iaitu Singapura, Sabah (British North Borneo) dan Sarawak.

Disebabkan pembahagian tidak sama rata yang ketara antara orang Cina yang kaya raya dengan Melayu miskin, kerajaan memperkenalkan satu dasar untuk menambah baik keadaan yang sedia ada.

Bagaimanapun, dasar itu menambahkan ketegangan antara orang Melayu dengan orang Cina. Maka, tercetuslah rusuhan orang Cina-Melayu di jalan-jalan raya di Singapura pada tahun 1964.

Pada bulan Ogos 1965, Tunku mengumumkan bahawa Singapura terpaksa keluar daripada Persekutuan Malaysia. Walau bagaimanapun, ketegangan antara kaum berterusan dan akhirnya mencetuskan rusuhan perkauman yang kita semua tahu berlaku pada 13 Mei, 1969. Akibatnya, 196 orang terkorban dan 6,000 kehilangan rumah kediaman mereka.

### Berdoalah



**Bersyukurlah kepada Tuhan atas kedaulatan undang-undang dalam negara kita.**



**Semoga berkekalan perhubungan yang baik antara semua kaum di negara ini.**

# 3 OGOS

## KERAJAAN

**M**alaysia sebuah negara raja berperlembagaan dengan Duli Yang Maha Mulia Seri Paduka Baginda Yang di-Pertuan Agong sebagai Ketua negara. Tiga cabang kerajaan terdiri daripada: perundangan, eksekutif dan kehakiman.

Parlimen (perundangan) terdiri daripada Duli Yang Maha Mulia Seri Paduka Baginda Yang di-Pertuan Agong, Senat (Dewan Negara) dan Dewan Perwakilan (Dewan Rakyat). Ia menggubal undang-undang.

Perdana Menteri dilantik oleh Duli Yang Maha Mulia Seri Paduka Baginda Yang di-Pertuan Agong untuk menerajui Kabinet. Fungsi eksekutif (yakni pembuatan keputusan) dikongsi bersama antara para Menteri yang berada dalam Kabinet.

Cabang kehakiman (mahkamah dan pertubuhan undang-undang yang lain) memastikan yang kedaulatan undang-undang terpelihara.

## Berdoalah



**Semoga kalangan pemimpin diberkati dengan integriti dan kebijaksanaan.**



**Semoga para pemimpin mempertahankan keadilan, saling hormat-menghormati dan berusaha mencari kebaikan bersama.**

## 4 OGOS

“Tuhan tidak seperti manusia yang perlu berdusta dan harus menyesal. Bila Dia berjanji, pasti Dia tepati! Bila Dia berbicara, tentu akan terlaksana.” Bilangan 23:19

Dalam kempen pilihan raya tahun 2004, Barisan Nasional berjanji yang tiada kumpulan yang akan diabaikan atau tertinggal. Ia bersumpah akan mendukung kepelbagaian amalan beragama, bahasa dan kebudayaan, menjaga kepentingan semua warganegara, dan “akan mempertahankan Perlembagaan dan undang-undang negara ini”.

## Berdoalah




Semoga Perdana Menteri dan pasukannya mengotakkan kesemua janji yang dibuat kepada rakyat.

# Petikan Renungan Warga Muda Malaysia

Kita ada seorang Perdana Menteri yang baik. Inilah tempat di mana saya dibesarkan dalam kalangan keluarga saya. Kita mesti berhenti daripada mencemarkan sungai-sungai kita. **Berean Naidu, 12**



Roti canai, roti naan, bihun dan pizza makanan kegemaran saya. Saya gemar tempat seperti KLCC, Menara KL dan tempat saya sendiri, Kajang, juga. Sayangnya orang membuang sampah sarap di merata-rata tempat. Kita mesti menjaga kebersihan negara kita. **Samuel Low, 10**



Negara ini cantik dengan kawasan tanah tinggi serta pantai-pantainya. Saya seronok bercuti ke pelbagai bahagian dalam Malaysia. Saya mesti memelihara kebersihan negara ini dengan tidak membuang sampah sarap merata-rata. **Tim Pei Voon, 14**

Saya suka Malaysia dan sajian makanannya yang lazat-lazat... terutamanya nasi ayam! Saya boleh menjadikannya tempat yang lebih baik apabila saya berdoa dengan sepenuh hati untuk negara ini.  
**Phang Wei Sheng, 8**

Malaysia mempunyai pelbagai negeri dan budaya yang berbeza. Membeli-belah hebat di sini dan harganya murah-murah. Terdapat banyak taman hiburan dan tempat-tempat yang menyeronokkan. Terdapat juga banyak gereja dan kita bebas beragama dan menyembah Tuhan. Saya tahu Tuhan mendengar doa saya yang bersungguh-sungguh lagi ikhlas bagi negara yang cantik ini, Johor Bahru dan keluarga saya. **Estelle Wong, 11**



Kita ada kebebasan beragama dan menyembah Tuhan dan agak aman di sini. Para ibu bapa seharusnya tidak membiarkan anak mereka bersendirian dan perlu mendisiplinkan mereka apabila anak-anak itu menghabiskan masa di kafe siber atau arked video. **Deborah Chew, 9**



Malaysia selamat. Setakat ini, tiada gempa bumi, tornado atau ribut yang mengganas. Kita juga tiada orang yang mati kebuluran atau kawasan yang terjejas oleh kahat yakni kekurangan yang teruk. Sebagai seorang Kristian, saya mesti menjalankan peranan saya untuk memberkati negara kita. **Dominic Wong, 14**

Saya boleh menjadikan Malaysia tempat yang lebih baik dengan menjaga kebersihannya dan mematuhi semua peraturan. Malaysia memerlukan penguatkuasaan undang-undang yang lebih baik. **Lan Chun Hui, 14**

Kita dianugerahi pelbagai adat resam serta budaya yang berbeza dan itu menjadikan negara ini begitu menarik. Saya suka Malaysia sebab rakyatnya mesra-mesra belaka. Saya boleh menjalankan peranan saya untuk menjadikan Malaysia tempat yang lebih baik dengan mematuhi Sepuluh Rukun Tuhan.

**Ivan Gan Wei Ren, 14**



Di Malaysia terdapat makanan yang hebat-hebat, kebebasan beragama dan menyembah Tuhan dan ia memiliki keindahan yang semula jadi. Rakyatnya mesra dan sejahtera. Saya boleh memainkan peranan saya dengan tidak membuang sampah merata-rata, bersikap mesra kepada orang lain dan dengan belajar bersungguh-sungguh.

**Cristabelle Naidu, 15**

Kami menyukai sekolah dan para guru kami serta suka melawat Melaka. Kami mahu melihat banyak lagi tempat permainan seperti roller-coaster dalam negara kita. **Ethan, 7 & Davian Raj Sunther, 9**



Kita mempunyai banyak pantai yang cantik dengan pokok-pokok nyiur yang melambai di sepanjang pantai. Saya menggemari pelbagai jenis bunga yang berwarna-warni dan tempat-tempat bersejarah dalam negeri-negeri yang berlainan. Warga Malaysia mesti menjaga tandas awam dan telefon awam. Kita perlu menggunakan apabila terdesak!

**Esther Yew, 11**

# MINGGU 3

## Ogos 5-11



# WARGA Malaysia

“Dari seorang manusia Dia membuat segala bangsa dan menyuruh mereka mendiami seluruh bumi. Dia jugalah yang menentukan sejak semula, bila dan di mana mereka boleh hidup. Dia melakukan itu supaya mereka mencari-Nya, mudah-mudahan mereka bertemu dengan-Nya pada waktu mereka mencari-cari-Nya. Tetapi sebenarnya TUHAN tidak jauh dari kita masing-masing, seperti yang dikatakan orang, ‘Kita hidup dan bergerak dan berada di dunia ini kerana kekuasaan-Nya’. Sama juga dengan yang dikatakan oleh beberapa penyairmu, ‘Kita semua adalah anak-anak-Nya’.”

**Kisah Para Rasul 17:26-28**



## 5 OGOS

# ORANG ASLI

“Orang Asli” ialah warga peribumi di Semenanjung Malaysia. Mereka terbahagi kepada tiga kumpulan utama: Negrito, Senoi, dan Melayu Proto. Bilangan mereka mencakupi 0.6% daripada jumlah penduduk iaitu 27.5 juta rakyat negara kita.

Mereka menghadapi banyak masalah berkaitan tanah. Seringkali tanah mereka diambil bagi tujuan pembangunan. Ini telah menjadikan kehidupan mereka sengsara.

## Berdoalah



**Semoga agensi-agensi kerajaan mempertahankan hak Orang Asli sebagai warganegara Malaysia.**



**Semoga lebih banyak komuniti Kristian menjalankan kerja dampingan dalam kalangan mereka ini.**



**Semoga para ibu bapa Orang Asli menyedari tentang pentingkan pendidikan anak-anak mereka.**

## Bertindaklah



**Sertailah misi mengunjungi sebuah perkampungan Orang Asli. Atau, lebih baik lagi, ajak ibu bapa anda pergi bersama-sama anda ke sana!**

6 OGOS

# KAUM PERIBUMI SABAH & SARAWAK

Terdapat sejumlah 28 kumpulan kaum peribumi di Sabah dan 41 di Sarawak. Mereka diklasifikasikan sebagai "bumiputera".

Di Sabah, kumpulan terbesar ialah suku Kadazandusun yang kebanyakannya beragama Kristian. Diikuti suku Bajau dan Murut yang kebanyakannya beragama Islam.

Di Sarawak, kumpulan terbesar ialah suku Iban yang kebanyakannya beragama Kristian. Mereka ini mencakupi 31% daripada jumlah penduduk negeri itu. Kumpulan lain terdiri daripada suku Bidayuh, Melanau dan suku-suku lain.

## Berdoalah

- Semoga kuat dan semakin kuat gereja warga Kristian peribumi ini.
- Semoga kuat lagi ikatan kekeluargaan dan nilai murni mereka.
- Semoga ibu bapa Kristian menjadi teladan dan model mithali.

## Bertindaklah

- Bacalah maklumat mengenai Sabah dan Sarawak.

## 7 OGOS

# ORANG MELAYU

Orang Melayu mencakupi lebih daripada 50.5% jumlah penduduk negara. Mereka, bersama-sama dengan kaum peribumi di Sabah dan Sarawak, disebut "bumiputera". Majoriti, yakni sebahagian terbesar mereka beragama Islam.

## Berdoalah



Semoga para pegawai kerajaan yang tekun dan jujur menjalankan program-program membasmi kemiskinan.



Semoga kuat nilai kekeluargaan mereka.



Semoga orang Melayu yang kaya membantu untuk memperkasakan orang Melayu yang miskin.

8 OGOS

# ORANG CINA

Mereka mencakupi 23.5% daripada jumlah penduduk negara. Majoriti mereka menjalankan perniagaan dan menghuni kawasan perbandaran. Namun begitu, terdapat kumpulan-kumpulan orang Cina yang menghuni kawasan luar bandar. Sesetengah mereka ini miskin.

## Berdoalah

-  **Semoga para pegawai kerajaan yang tekun dan jujur menjalankan program-program membasmi kemiskinan.**
-  **Semoga kuat nilai kekeluargaan mereka.**
-  **Semoga warga Kristian Cina menjadi kesaksian yang bagus dan bersedia membantu orang miskin dalam masyarakat.**

## 9 OGOS

# ORANG INDIA

Mereka mencakupi 7% daripada jumlah penduduk negara. Merekalah yang terkecil antara ketiga-tiga kumpulan etnik negara dan mereka sebahagian daripada kumpulan para profesional. Walau bagaimanapun, terdapat mereka yang hidup dalam kemiskinan.

## Berdoalah



Semoga para pegawai kerajaan yang tekun dan jujur menjalankan program-program membasmi kemiskinan.



Semoga kuat nilai kekeluargaan mereka.



Semoga warga Kristian India menjadi kesaksian yang bagus dan bersedia membantu orang miskin dalam masyarakat.

10 OGOS

# RUKUNEGARA

Pada tahun 1970, pihak Kerajaan mahu menyatupadukan rakyat berbilang bangsa dalam Malaysia lantas melahirkan "Rukunegara" atau "Lima Prinsip Kenegaraan".

Duli Yang Maha Mulia Seri Paduka Baginda Yang di-Pertuan Agong secara rasmi mengumumkan Rukunegara sewaktu perayaan Hari Kemerdekaan pada 31 Ogos.

Lima Prinsip Rukunegara ialah:

- Kepercayaan kepada Tuhan
- Kesetiaan kepada Raja dan Negara
- Keluhuran Perlembagaan
- Kedaulatan Undang-Undang
- Kesopanan dan Kesusaian

## Berdoalah



Semoga warga Malaysia lebih erat dan bersatu padu.



Semoga masyarakat sentiasa penyayang dan saksama.

## Bertindaklah



- Hormati Raja kita, bendera kita dan Lagu Kebangsaan kita.
- Hafal lima prinsip Rukunegara.

11 OGOS

# KEBEASAN BERAGAMA

Pada tahun 1958, Tunku Abdul Rahman, Perdana Menteri pertama kita, mengumumkan dalam parlimen bahawa, "Saya mahu menjelaskan bahawa negara ini bukan negara Islam sebagaimana yang difahami umum, kita hanya mensyaratkan Islam menjadi agama rasmi Negara."

Ini bermakna bahawa walaupun Islam diiktiraf sebagai agama rasmi, ia adalah bagi tujuan ritual dan adat istiadat yang berkaitan dengan orang Islam sahaja.

Artikel 11 Perlembagaan Persekutuan memberikan semua orang kebebasan untuk menganut, mengamalkan dan menyebarkan agamanya. Kita perlu memegang kebebasan beragama ini sebagai anugerah dan berkat yang teramat berharga daripada Tuhan.

## Berdoalah



Semoga para hakim, penggubal undang-undang dan peguam mempertahankan Perlembagaan.



Semoga warga Malaysia saling hormat-menghormati.

28

## Bertindaklah



Tanyalah ibu bapa anda, para guru dan orang dewasa yang lain mengenai hak-hak anda di bawah Perlembagaan. Tuliskan maklumat itu.

# Minggu 4

## Ogos 12-18



# Malaysia

“Kota riang dan bersemarak jika orang jujur mendapat rezeki, dan rakyat bersorak-sorai jika orang jahat mati. Restu orang yang salih memperindah kota; perkataan orang jahat merosakkannya.”

**Amsal 11:10-11**

“Keadilan dan kebaikan mengangkat martabat bangsa, tapi dosa membuat bangsa menjadi hina.”

**Amsal 14:34**

## TINDAKAN

Mulakan buku skrap mengenai berita tentang MALAYSIA untuk minggu ini. Anda boleh membuatnya sendiri, bersama-sama keluarga anda atau bersama-sama rakan-rakan anda.

- ◎ Bacalah surat khabar.
- ◎ Carilah berita mengenai pelbagai negeri dalam negara.
- ◎ Berdoalah untuk pelbagai situasi, bandar-bandar raya dan rakyat negara ini.

# 12 OGOS



## MELAKA

Diasaskan oleh Parameswara. Dia memeluk agama Islam pada tahun 1414 dan menukar namanya kepada Megat Iskandar Shah. Hang Tuah seorang pahlawan Melaka yang masyhur. Sultan Mahmud Shah ialah sultan terakhir. Mudzaffar Shah (1446-1459) mengisyiharkan Islam sebagai agama rasmi. Seketika dahulu Melaka di bawah pemerintahan Portugis pada tahun 1511, diperintah oleh Belanda pada tahun 1641 dan di bawah pemerintahan Inggeris sehingga tahun 1957.



## NEGERI SEMBILAN

Masyhur dengan budaya Minangkabau, iaitu adat perpatih. Raja Melewar dinobatkan sebagai pemerintah yang pertama dengan gelaran Yang di-Pertuan Besar pada tahun 1773.

## Berdoalah



Semoga kerajaan-kerajaan negeri bekerja keras serta menjalankan kuasa dengan saksama.



Semoga kegiatan jenayah semakin berkurang.



Semoga warga muda mempunyai kebijaksanaan dan keberanian.



Semoga baik dan erat ikatan kekeluargaan.

# 13 OGOS

## **SELANGOR**

Kesultanan Melaka memerintah negeri Selangor pada abad ke-15. Belanda membawa orang Bugis dari Sulawesi ke Selangor. Kesultanan sekarang adalah warisan daripada leluhur Bugis sejak tahun 1740. Perniagaan meningkat baik pada abad ke-19 disebabkan sumber rizab timah yang banyak serta permintaan yang meningkat terhadap getah. Ibu negeri dipindah daripada Klang kepada Kuala Lumpur pada tahun 1880. Pada tahun 1978, Shah Alam (bandar raya terancang yang pertama di Malaysia) menggantikan Kuala Lumpur sebagai ibu negeri.



## **KUALA LUMPUR**

Raja Mahdi daripada Klang menghantar orang Cina mudik ke hulu sungai untuk membuka lombong bijih timah pada tahun 1850-an. Kapitan Cina Yap Ah Loy bertanggungjawab memajukan lombong timah dan pembangunan bandar sewaktu tahun 1870-an. Kuala Lumpur terpilih sebagai ibu negara Persekutuan Negeri-negeri Melayu pada tahun 1896. Ia kekal sebagai ibu negara dan mencapai taraf bandar raya pada tahun 1972. Ia menjadi Wilayah Persekutuan pada tahun 1974.



## **PUTRAJAYA**

Diasaskan pada tahun 1995, ia menjadi Wilayah Persekutuan pada tahun 2001. Ia kini menjadi pusat pentadbiran kerajaan.

## Berdoalah

- Semoga kerajaan-kerajaan negeri bekerja keras serta menjalankan kuasa dengan saksama.**
- Semoga rakyat mempunyai kesedaran sivik dan bersopan.**
- Semoga kegiatan jenayah semakin berkurang.**
- Semoga para belia mempunyai kebijaksanaan dan keberanian.**
- Semoga baik dan erat ikatan kekeluargaan.**

# 14 OGOS



## JOHOR

Sultan Alauddin mengasaskan negeri Johor. Kedudukannya yang strategik sebagai pusat perdagangan Timur-Barat menjadikan Johor kaya serta membangun serta berkembang menjadi Empayar Johor-Riau. Empayar itu berakhir pada tahun 1824. Temenggung Ibrahim ialah pemerintah yang sah pada tahun 1855, manakala anaknya, Abu Bakar, menggantikan baginda pada tahun 1862. Dia digelar sebagai Bapa negeri "Johor Moden". Anak baginda, Sultan Ibrahim, memerintah sehingga tahun 1959.



## PAHANG

Pada tahun 1459, ia menjadi sebuah Kesultanan Islam. Pada pertengahan abad ke-17, ia berada di bawah pemerintahan negeri Johor. Bendahara Wan Ahmad diisytiharkan sebagai Sultan yang baru pada tahun 1881. Pada tahun 1892, Orang Kaya Pahlawan Semantan, Datuk Bahaman, memberontak menentang Inggeris. Ini menjadi simbol bagi perjuangan orang Melayu mendapat kemerdekaan.

## Berdoalah



**Semoga kerajaan-kerajaan negeri bekerja keras serta menjalankan kuasa dengan saksama.**



**Semoga terdapat penambahbaikan dalam ekonomi negeri dan ada lebih banyak peluang pekerjaan.**



**Semoga kegiatan jenayah semakin berkurang.**



**Semoga berjaya usaha menentang penyalahgunaan dadah dalam kalangan belia.**



**Semoga baik dan erat ikatan kekeluargaan.**

# 15 Negos

## PERAK

Kesultanan negeri Perak diasaskan pada tahun 1528 oleh putera sulung sultan terakhir Melaka. Pada tahun 1848, penemuan timah di Larut menyebabkan perebutan kuasa di kalangan kongsi gelap Cina. Pertikaian yang berlarut-larutan antara Raja Abdullah dengan Raja Ismail membuka peluang bagi Inggeris untuk campur tangan yang berakhir dengan Perjanjian Pangkor pada tahun 1874. Raja Abdullah dinobatkan sebagai sultan Perak. Baginda bersetuju menerima Residen British.



## PULAU PINANG

Kapten Francis Light mengasaskan Pulau Pinang pada tahun 1786. Seberang Perai (Province Wellesley) ditambah menjadi sebahagian daripada Pulau Pinang pada tahun 1800. Pulau Pinang di bawah perintah Inggeris dari tahun 1867. Pulau ini menjadi pelabuhan bebas sehingga tahun 1969.



## Berdoalah



**Semoga kerajaan-kerajaan negeri bekerja keras serta memerintah dengan saksama.**



**Semoga kegiatan jenayah semakin berkurang.**



**Semoga kuat lagi ikatan kekeluargaan dan nilai murni mereka.**



**Semoga masalah disiplin di sekolah-sekolah ditangani dengan betul.**

# 16 OGOS



## KEDAH

Kedah ditakluki Siam (kini Thailand) pada tahun 1821. Pada tahun 1923, Inggeris memberi kuasa kepada sultan dan menjadikan Bahasa Melayu bahasa rasmi. Sewaktu Perang Dunia Kedua, Jepun mula-mula sekali menyerang Kedah (bersama-sama dengan Kelantan).



## PERLIS

Pada asalnya Perlis sebahagian daripada negeri Kedah. Selepas berakhirnya perang 20 tahun antara Kedah dan Siam, Perlis menjadi sebuah wilayah merdeka pada tahun 1842. Syed Hussain Jamalulail yang berdarah Arab menjadi Raja Perlis yang pertama. Baginda cucu kepada Sultan Kedah. Perlis dikembalikan kepada Siam oleh Jepun sewaktu Perang Dunia Kedua. Apabila Jepun menyerah kalah, Perlis kembali semula di bawah pemerintahan Inggeris.

## Berdoalah



Semoga kerajaan-kerajaan negeri bekerja keras serta memerintah dengan saksama.



Semoga lebih banyak peluang pekerjaan dan penambahbaikan taraf dan kualiti kehidupan.



Semoga diperkuatkan pasukan polis dan angkatan tentera demi melindungi kita dari faham ekstrem.



Semoga kuat lagi ikatan kekeluargaan dan nilai murni mereka.

# 17 OGOS

## KELANTAN

Negeri Kelantan sekarang disatukan pada tahun 1760. Pada abad ke-19, Kota Bharu merupakan pusat nadi aktiviti politik dan ekonomi. Kelantan ialah antara negeri yang mula-mula sekali diserang oleh Jepun dalam Perang Dunia Kedua.



## TERENGGANU

Terengganu muncul sebagai sebuah kesultanan yang bebas merdeka pada tahun 1724. Tun Zainal Abidin menjadi sultan yang pertama. Islam ialah agama rasmi dan agama negeri di bawah Perlembagaan 1911 Negeri Kelantan.



## Berdoalah



**Semoga kerajaan-kerajaan negeri bekerja keras serta menjalankan kuasa dengan saksama.**



**Semoga lebih banyak perniagaan dan peluang pekerjaan.**



**Semoga pihak jabatan kebijakan dan sosial dan organisasi kebijakan bekerja bersama-sama untuk menangani secara berkesan masalah sosial (seperti penyalahgunaan dadah, sumbang muhrim dan isu-isu belia).**



**Semoga kuat lagi ikatan kekeluargaan dan nilai murni mereka.**

# 18 Ogos



## SABAH

Sabah yang terkenal sebagai Borneo Utara sebelum tahun 1963, pernah menjadi sebahagian daripada Kesultanan Brunei. Ibu negeri dipindahkan daripada Kudat kepada Sandakan pada tahun 1883, untuk mengembangkan lagi perniagaan balak. Jepun mendarat di Labuan pada 1 Januari 1942. Ia menjadi tanah jajahan Inggeris pada 15 Julai 1946. Sabah mencapai kemerdekaan daripada Inggeris pada 31 Ogos 1963.

## SARAWAK

Brunei menyerahkan Sarawak kepada James Brooke pada tahun 1841. Di bawah pemerintahan Charles Brooke, masyarakat Cina berkembang dengan ketara dan mereka digalakkan untuk menjalankan perniagaan. Orang Melayu diambil bekerja dalam bidang pentadbiran atau kekal dalam bidang pertanian. Pada tahun 1941, Jepun menyerang dan menduduki Sarawak. Sarawak menjadi tanah jajahan Inggeris pada tahun 1946 dan menyertai Persekutuan Malaysia pada tahun 1963.

## LABUAN

Labuan yang pernah berada di bawah Kesultanan Brunei menjadi sebahagian daripada Borneo Utara pada tahun 1890. Ia kemudian dijadikan Wilayah Persekutuan pada tahun 1984.

# Berdoalah



**Semoga kerajaan-kerajaan negeri bekerja keras serta memerintah dengan saksama.**



**Semoga Kerajaan menyelesaikan masalah setinggan dan mereka yang tiada tempat tinggal di kawasan-kawasan perbandaran.**



**Semoga kegiatan jenayah semakin berkurang.**



**Semoga berkesan pelan untuk menaikkan taraf hidup orang miskin di kawasan luar bandar.**




**Semoga kuat lagi ikatan kekeluargaan dan nilai murni mereka.**

# Minggu 5

## Ogos 19-25

### Sejarah Agama Kristian di Malaysia

**1511** Mazhab Katolik Roma sampai ke rantau ini. **1641** Mazhab Kristian Protestan tiba ke rantau ini. **1815** Persatuan Mubaligh London menubuhkan pangkalan di Melaka. **1847** Misi Gereja Borneo di Sarawak diasaskan. **1860** Bermulalah Open Brethren (Persaudaraan Terbuka) di Malaysia. **1881** Kerja-kerja Mubaligh Katolik Roma bermula di Sarawak pada 10 Julai. **1882** Persatuan Misi Basel menghantar mualigh ke Sabah. **1885** Bermulalah misi mazhab Methodist dengan kedatangan W. Oldham. Gereja-gereja First Presbyterian diasaskan di Johor. **1890** Penerbitan Misi Methodist diasaskan (kemudian dikenali sebagai MPH). **1901** Wong Nai Siong dan kumpulan warga Methodist Foochow menetap di Sibu. **1907** Gereja Evangelical Lutheran mengadakan kebaktian pertamanya pada 30 Januari di Kuala Lumpur. **1927** Kumpulan Pertama Kristian Mar Thoma mengadakan pelayanan di Klang. **1932** Gereja Syria Ortodoks tiba di Malaysia. Juga, bermulalah misi ke puak peribumi Sengoi. **1934** Tibalah para mualigh Pertama AOG. **1938** Jemaah Pertama mazhab Baptis diasaskan.



## Gereja

“Sebab kami adalah seperti bau kemenyan yang harum, yang Isa Al-Masih bakar untuk Tuhan, yang merebak dalam kalangan mereka yang sedang diselamatkan dan yang sedang sesat.” **2 Korintus 2:15**

**1948** Majlis Gereja-gereja Malaya dan Singapura diasaskan. Ia menjadi CCM pada tahun 1973. **1954** Seminari Teologi Baptis ditubuhkan di Pulau Pinang. **1960** Institut Injil Malaya (kini Maktab Injil Malaysia) ditubuhkan oleh AOG. **1963** Penubuhan Sidang Injil Borneo. Ketibaan para mualigh pertama Gereja Free Evangelical. **1978** Penubuhan Malaysian CARE dan Seminari Injil Malaysia (MBS). **1979** Seminari Theoloji Malaysia diasaskan. Gereja Full Gospel Assembly mula mengadakan kebaktian di Kuala Lumpur. **1983** Penubuhan Persaudaraan Kristian Evangelikal Nasional Malaysia (National Evangelical Christian Fellowship yakni NECF) Malaysia. **1986** Penubuhan Persekutuan Kristian Malaysia (CFM).

19 OGOS

# KELUARGA

“Kami tak mahu merahsiakannya daripada anak-anak kami; kami mahu mewartakan kepada generasi seterusnya tentang kuasa TUHAN dan segala jasa-Nya yang besar, serta segala perbuatan-Nya yang ajaib. Kepada bangsa Israel Dia memberi rukun-Nya, dan kepada keturunan Yaakub perintah-Nya. Dia menyuruh nenek moyang kita mengajarkan rukun-rukun-Nya kepada anak-anak mereka, supaya generasi berikut mengenal-Nya, lalu meneruskan mengajarnya kepada anak-anak mereka pula.” **Mazmur 78:4-6**

Keluarga merupakan tempat asas di mana nilai murni mengikut aturan Tuhan dipindahkan dari satu generasi kepada generasi seterusnya, semoga segala rukun dan perintah Tuhan terpelihara dan terus ditaati. Oleh itu, cara hidup kita hendaklah menjadi kesaksian bagi segala keajaiban dan kekuasaan kerja bapa kita di syurga.

## Berdoalah



Bersyukur kepada Tuhan atas anggota keluarga anda.



Semoga Tuhan membantu kita untuk sentiasa ghairah dengan Isa Al-Masih serta Firman-Nya.

## Bertindaklah



Bacalah Mazmur 78 dan bincangkan isinya dengan keluarga anda.

20 OGOS

# KETUA SIDANG/ PASTOR/PEMIMPIN

"Ikutlah perintah pemimpin-pemimpinmu, dan tunduklah kepada mereka: sebab mereka selalu memperhatikan jiwamu, dan mereka harus bertanggungjawab kepada Tuhan, agar mereka dapat bekerja dengan senang hati; dan bukan dengan sedih hati: Kerana itu tidak menguntungkan kamu." **Ibrani 13:17**

Para ketua sidang, pastor dan pemimpin seperti ibu bapa kerohanian dalam keluarga yang lebih besar berupa gereja. Mereka perlu mengajar dan memimpin keluarga yakni anggota gereja untuk mentaati cara dan perintah Tuhan.

## Berdoalah



**Semoga segala berkat dan kebijaksanaan dianugerahkan kepada para Ketua Sidang/Pastor/Pemimpin.**



**Semoga mereka sentiasa peka terhadap seruan suara Tuhan dan bimbingan-Nya.**

K

etika masih kanak-kanak, dia menghidap polio. Dia amat berharap untuk mengetahui jika ada sesiapa yang akan menjaganya, tetapi ketika itu belum ada lagi pelayanan kanak-kanak.

Semasa dia berumur 11 tahun, seorang Kristian mengunjunginya dan berdoa untuknya. Keajaiban berlaku dan dia pulih daripada penyakit itu. Pada ketika dia berusia 14 tahun, Tuhan memberkati dan berkata-kata kepadanya. Itulah yang seterusnya menentukan alur laluan hidupnya.

Gereja di Taiping yang dianggotainya sewaktu zaman kanak-kanaknya agak kecil namun kanak-kanak digalakkan untuk memainkan peranan yang aktif. Ketika berusia masih muda, dia diamanahkan untuk memikul tanggungjawab menterjemah dan menyampaikan khutbah.

Kini dia adalah bukti hidup hasil yang didapati daripada pelayanan itu.

### ***Kesaksian Pastor Khim Ang***

21 OGOS

# PELAYANAN KANAK-KANAK

"Ajarlah seorang anak cara hidup yang patut baginya, maka sampai masa tuanya ia akan hidup akan kekal sedemikian." **Amsal 22:6**

Kanak-kanak penting dalam perencanaan abadi Tuhan. Mereka telah menjadi agen transformasi. Daud, Samuel, Yosiah – kesemuanya sebahagian daripada rencana hebat Tuhan.

## Berdoalah



Semoga terpelihara kemurnian hati dan kebersihan jiwa kanak-kanak.



Semoga para pemimpin Gereja mengiktiraf kepentingan pelayanan kanak-kanak serta memberikan sokongan penuh mereka dalam semua bidang.

## Bertindaklah



Ajaklah rakan anda ke gereja.

Saya sememangnya berhasrat sangat menjadi guru. Ketika saya berusia kira-kira 12 tahun, saya sering memakai kasut tuit tinggi ibu saya dan berpura-pura menjadi guru, membawa rotan dan keluar pergi mengajar para ‘murid’ saya, iaitu pelbagai tanaman di luar rumah saya!


Saya bersyukur kepada Tuhan kerana tercapai cita-cita dan impian saya menjadi guru. Kasih kurnia dan bantuan Tuhan dianugerahkan kepada saya sepanjang tempoh 22 tahun yang lampau. Saya seronok mengajar, menasihati serta mendampingi para pelajar saya yang miskin dan yang memerlukan menerusi program amal kebaikan di sekolah saya.

### ***Kesaksian oleh Rose Samuel***

22 OGOS

# PENDIDIKAN

Pada bulan Januari 2007, Rangka Tindakan Pendidikan Kebangsaan 5-tahun dilancarkan. Objektif-objektifnya adalah untuk: Membangunkan "Bangsa Malaysia", mengembang modal insan, mengukuhkan sekolah kebangsaan, mengecilkan jurang pendidikan antara sekolah luar bandar dan bandar, mengangkat profesi pendidikan dan meningkatkan kecemerlangan institusi pendidikan.



## Berdoalah



**Semoga Menteri Pendidikan dan pasukannya tegas dalam melaksanakan Rangka Tindakan Pendidikan Kebangsaan baru.**



**Semoga para guru dan pengetua berdedikasi.**



**Semoga para ibu bapa Kristian menggalakkan anak-anak mereka untuk menjadi guru.**

## Bertindaklah



**Buatkan kad ucapan terima kasih untuk guru anda.**

23 OGOS

# DAMPINGAN MASYARAKAT

Tuhan amat prihatin serta menjaga orang miskin, dan juga orang luar yang asing dalam negara ini. Mereka yang miskin sering dilupakan dan ditolak. Dalam konteks negara Malaysia kita, anak para pelarian tidak mendapat akses untuk ke sekolah awam.

Demi membawa transformasi yang sebenar lagi kekal dalam kehidupan orang, kita perlu melakukan sesuatu yang dapat dilihat.

Kini kita lebih daripada yakin bahawa dalam diri kanak-kanaklah terdapat benih transformasi dan dalam diri mereka lah tersemai kuasa yang Tuhan anugerahkan. Kita meyakini bahawa jika kanak-kanak diberi peluang, mereka mampu membawa perubahan yang positif dalam masyarakat.

Dalam Matius 25:40 tercatat Firman, “Ketahuilah: waktu kamu melakukan hal itu, sekalipun kepada salah seorang daripada saudara-saudara-Ku yang terhina, bererti kamu melakukannya kepada-Ku.”

Inilah antara cara kita belajar untuk berjalan dalam kepatuhan terhadap kebenaran hakiki Tuhan.

**Petrina Satvinder**

## Berdoalah



Semoga lebih banyak gereja tempatan mula mengasihserta bekerja mendampingi kalangan mereka yang miskin.

## Bertindaklah

Dalam doa anda pada hari ini, ingatilah anak-anak para pelarian (kira-kira 20,000) yang berada dalam negara kita.

24 Ogos


# MEDIA

Kini media sememangnya menjadi sebahagian daripada kehidupan kita. Media menjengah ke dalam rumah, sekolah, gereja serta tempat-tempat awam kita. Media mendedahkan pelbagai jenis dan bentuk maklumat kepada kanak-kanak. Sesetengah maklumat boleh membahayakan jika tidak diawasi atau dipantau dengan baik.

Media boleh menjadi pencuri masa, pemecah atau perosak perhubungan dan perompak kewangan (misalnya, peraduan SMS).

Namun begitu, media boleh menjadi alat yang berguna demi berkongsi berkat dan anugerah Tuhan:

1. Keperluan terhadap doa boleh dikongsi pada bila-bila masa sahaja dengan mudah lagi pantas.
2. Kita boleh sampai kepada orang dengan mudah.
3. Kisah yang baik-baik, lagu-lagu puji syukur dan filem bertema kekeluargaan boleh disiarkan.
4. Peristiwa tentang berita baik dan yang berkaitan boleh dihebahkan secara pantas dan murah – melalui e-mel/Internet/SMS.



## Berdoalah



**Semoga kita terlindung daripada pengaruh negatif media.**



**Semoga wujud kebijaksanaan dan kearifan tentang pilihan pesanan, lagu dan filem.**



**Semoga para pembuat keputusan dalam industri media meletakkan kesejahteraan sosial dan nilai murni mengatasi unsur keuntungan.**



**Semoga para ibu bapa membimbing anak-anak mereka dalam penggunaan Internet.**

## Bertindaklah



**Kurangkan masa yang dihabiskan terhadap komputer, televisyen dan telefon.**

25 OGOS

# MISI

"Memang Aku berasal daripada Bapa, dan sudah datang ke dalam dunia: Sekali lagi, Aku meninggalkan dunia untuk kembali kepada Bapa." **Yohanes 16:28**

"Kemudian Isa Al-Masih berfirman lagi kepada mereka, Salam sejahtera bagimu: seperti Bapa mengutus Aku, begitu juga Aku mengutus kamu sekalian." **Yohanes 20:21**

Isa Al-Masih datang ke dunia atas misi untuk menyampaikan kepada semua orang tentang Tuhan serta Kasih-Nya.

Kongres Dunia dalam video "Cara untuk tidak mengharu-birukan Kerahan Agung" melaporkan yang 15% daripada derma bagi misi disalurkan untuk golongan kanak-kanak, sedangkan 60-80% daripada respons terhadap khabar baik Injil adalah daripada kanak-kanak. Ini bermakna bahawa satu dalam setiap tiga orang di atas muka bumi ini ialah kanak-kanak yang berusia di bawah 15 tahun. Maka, besar dan hebat sekali medan misi untuk kanak-kanak ini.

## Berdoalah



Semoga kanak-kanak bercakap tentang kasih Tuhan kepada rakan-rakan mereka biar di mana-mana sahaja.



Semoga para mubaligh yang gigih serta ghairah, berkemahiran dan berpengetahuan bekerja dalam kalangan kanak-kanak di seluruh dunia.

**MINGGU 6**  
**Ogos 26-30**



## Kanak-Kanak

**Mazmur 127:3** menyatakan yang kanak-kanak adalah pemberian Allah, sesungguhnya, mereka itu anugerah.

Jumlah Penduduk Malaysia:

**27,173,600**

Penduduk Kanak-kanak 0-14 tahun:

**8,748,600**

*Jabatan Perangkaan Malaysia pada pertengahan tahun 2007*

26 OGOS

# HAK ASASI KANAK-KANAK

Setiap kanak-kanak atau orang muda berusia di bawah 18 tahun mempunyai hak, tidak kira siapa mereka, di mana mereka tinggal, atau apa kepercayaan mereka. Hak-hak ini diiktiraf di satu mesyuarat khas antara banyak negara dalam dunia. Ini dipanggil Konvensyen Bangsa-bangsa Bersatu tentang Hak-hak Kanak-kanak. Mereka berhak terhadap:

1. Perlindungan; tempat tinggal yang selamat.
2. Makanan berkhasiat dan pakaian.
3. Penjagaan kesihatan.
4. Pendidikan.
5. Waktu senggang, bermain dan beriadah.
6. Kebebasan bersuara.
7. Perlindungan daripada penderaan, diskriminasi, kegiatan menyalahi undang-undang, dadah berbahaya dan perperangan.
8. Penjagaan khas, perhatian dan pertimbangan terhadap kanak-kanak yang miskin, kurang upaya dan yang dianugerahi 'keistimewaan'.
9. Mengamalkan budaya, bahasa dan agama sendiri.
10. Suasana kebahagiaan, kasih sayang, kefahaman dan penghargaan.

## Berdoalah



**Semoga kanak-kanak yang tidak mempunyai hak-hak di atas akan menikmatinya dengan seberapa segera.**



**Semoga muncul Tuhan dalam kehidupan mereka serta memenuhi keperluan mereka menerusi insan-insan yang berkeprihatinan.**

## Bertindaklah



**Bawalah makanan berkhasiat ke sekolah dan berkongsi dengan seseorang yang belum pernah anda berkongsi sebelumnya.**

27 OGOS

# KANAK-KANAK DAN REGANASAN

Malaysia ada undang-undang yang melindungi golongan kanak-kanak. Penderaan, pengabaian atau mendedahkan kanak-kanak kepada kecederaan fizikal atau emosi boleh dihukum di bawah undang-undang ini.

Pada tahun 2000, 934 kes penderaan kanak-kanak dilaporkan. Angka itu berganda menjadi 1,800 pada tahun 2005. Bentuk utama keganasan ialah pengabaian dan penderaan kanak-kanak.

Penderaan fizikal termasuk menampar, menggoncang-goncang, dan memukul dengan penumbuk atau sebarang objek, membakar, menendang dan menggunakan pisau untuk mengancam. Penderaan seksual berlaku apabila kanak-kanak dipaksa melakukan hubungan seks dengan sesiapa sahaja.

## Berdoalah



Semoga para pegawai kerajaan baris hadapan menguatkuasakan undang-undang yang melindungi kanak-kanak daripada penderaan.



Semoga akan meningkat kesedaran tentang keganasan terhadap kanak-kanak menerusi pendidikan orang awam.



Semoga pihak gereja, NGO dan orang awam bangun menegakkan hak kanak-kanak.

28 OGOS

# CHILDREN @ RISK (KANAK-KANAK YANG MENGHADAPI RISIKO)

Kanak-kanak tercipta mengikut rupa bentuk Tuhan namun sesetengahnya dijual, didera secara seksual dan terpaksa menjadi orang jalanan. Ramai kanak-kanak di sesetengah negara menjadi mangsa kemiskinan, kekurangan pendidikan, perang, buruh paksaan dan deraan, kebuluran, keluarga yang berpecah-belah dan pelbagai penyakit. Semua kanak-kanak ini sedang berhadapan dengan risiko yang dahsyat.

Berdoalah



Semoga warga Kristian dampingi kanak-kanak yang disakiti dan menghadapi trauma ini.



Semoga diperkuatkan semua pertubuhan yang bekerja demi Children @ Risk ini.

Bertindaklah



Layari Laman Web  
[www.viva.org/pray](http://www.viva.org/pray)  
untuk maklumat terkini.

29 OGOS

# KANAK-KANAK & HIV/AIDS

HIV (Virus Keimunodefisiensi Manusia) ialah virus yang menyebabkan AIDS (Sindrom Keimunodefisiensi Perolehan). Ia menyerang sistem imun tubuh manusia. Virus ini boleh berjangkit melalui jarum tercemar yang digunakan oleh para penajih dadah, hubungan seksual, pemindahan darah, daripada ibu kepada anak semasa kelahiran dan menyusui anak dengan susu badan, dan jangkitan menerusi bendalir badan (kecuali air mata, peluh, najis, kencing dan air liur). Tiada penawar atau ubat penyembuh bagi penyakit ini. Pada tahun 2006, lebih separuh daripada setengah juta kanak-kanak maut akibat HIV/AIDS di seluruh dunia.

Malaysia ialah negara dengan pertumbuhan AIDS yang kelima paling pantas dalam rantau Asia Timur dan Pasifik. Laporan Kementerian Kesihatan pada bulan Disember 2005 menunjukkan bahawa 37% daripada jangkitan adalah orang berumur antara 13-29 tahun.

## Berdoalah

-  Semoga terdapat program-program pendidikan di sekolah yang lebih berkesan untuk menjelaskan penyakit ini.
-  Semoga keluarga dan mereka yang dijangkiti HIV/AIDS menerima bantuan serta menemui Isa Al-Masih.
-  Semoga warga Malaysia mentaati undang-undang dan perintah Tuhan dan mengejar kesucian sejati.
-  Semoga warga Kristian mengatasi sikap prejedis dan tidak mendiskriminasikan mereka yang dijangkiti HIV/AIDS.
-  Semoga penawar atau penyembuh HIV/AIDS ditemui.

## Bertindaklah

-  Dapatkan senaskah dan bacalah risalah "AIDS: Menjawab Kebimbangan Anda" terbitan Kementerian Kesihatan, Malaysia.

30 OGOS

# KANAK-KANAK SEBAGAI AGEN TRANSFORMASI

“Kedua-dua nenek dan ibu saya buta huruf. Mereka tiada kemahiran bekerja. Bapa saudara saya sering keluar masuk penjara. Kakak saya keciciran daripada persekolahan.

Ketika saya berusia 12 tahun, ada seseorang yang datang serta menjaga saya. Orang ini pastikan yang saya pergi ke sekolah. Kerja sekolah saya dibantu dan saya diberikan tuisyen. Segala keperluan saya yang lain juga diberi perhatian dan dipenuhi.

Kini saya sedang mengambil kursus jurusan elektrik di sebuah maktab. Saya orang pertama dalam keluarga dan generasi saya yang mampu menerobos kitaran kemiskinan ini.

Saya amat bersyukur kepada Tuhan dan Isa Al-Masih sebab menyelamatkan saya serta memberikan harapan kepada saya dan adik-beradik saya.”

*Kesaksian oleh Matthew, 19*

## Berdoalah



Semoga ada belas kasihan terhadap orang yang lemah.



Mereka yang mampu menaja dan menyokong kanak-kanak yang menghadapi masalah kewangan untuk meneruskan pengajian mereka.

# Renungan

Apa yang telah anda temui dalam perjalanan 40 hari yang lepas?

Tuliskan hasil pemikiran anda.

Kongsi apa yang anda fikir itu dengan ibu bapa, penjasa atau pastor anda.

# SEKUNTUM PUISI

Sebuah negara yang takut kepada Tuhan  
memang itu yang saya berhasrat  
untuk lihat.

Negara yang adil, saksama  
dan prihatin.

Negara di mana hati  
kanak-kanak ingin mencapai  
sampai kepada Isa Al-Masih,  
yang merajai segala Raja.

Tidak akan kita menjadi robot  
dan diperintah oleh Syaitan.

Kita akan menjadi insan baik-baik  
yang patuh berkhidmat kepada Tuhan.  
Negara beriman, dipenuhi kasih sayang  
dan keamanan pastinya hebat,

Negara yang rakyatnya saling mengasihi  
memang itu yang mahu saya lihat.

Sebuah negara yang menyembah dan  
sentiasa memberi pujian kepada Tuhan,

Negara yang rakyatnya sama-sama  
mendapat peluang yang setara.

Negara yang memiliki kedamaian.

Negara yang memiliki dan  
dipenuhi kasih sayang.



*Ebony Eve Pharamond, 9*



Dianjurkan oleh  
**Komisi Doa Malaysia**

32, Jalan SS2/103, Petaling Jaya  
47300, Selangor Darul Ehsan,  
Malaysia

Tel : 03-77278227  
Faks : 03-77291139  
Emel : [enquiries@necf.org.my](mailto:enquiries@necf.org.my)

[www.necf.org.my](http://www.necf.org.my)